

SCRIPTA

Numéro Scripta : 4861

Auteur(s) : Guerin Lasnier [particulier]

Bénéficiaire(s) : Clément, fils de Franbert [clerc]

Genre d'acte : charte

Authenticité : non suspect

Datation : 1251, 11 février

Action juridique : vente

Langue du texte : latin

Analyse

Guerin Lasnier vend à Clément le Clerc 34 deniers tournois de rente à Garennes.

Tableau de la tradition

Éditions principales

a. Andrieux Jules, *Cartulaire de l'abbaye royale de Notre-Dame de Bon-Port de l'ordre de Cîteaux au diocèse d'Évreux*, Évreux, Hérissé, 1862, n° CLXXXV, p. 189-190.

Texte établi d'après a

Noverint universi, presentes et futuri, quod ego Garinus dictus Lasnier, vendidi et concessi et omnino reliqui, et hac presenti carta confirmavi Clementi Clerico, filio Franbert, triginta et quatuor denarios turonensium, annui redditus, quem redditum dictus Clemens michi reddebat singulis annis, ad Pascha Domini, pro duabus pechiis terre, quas eidem feodaveram, sitis in Garenna ante molendinum monachorum Boni Portus, et aboutantibus ad cheminum regis: tenendum et habendum in perpetuum hereditagium, dictum redditum dicto Clementi et heredibus suis de me et heredibus meis libere, quiete et pacifice, et absque ulla de cetero reclamazione mei vel heredum meorum, et ad faciendam penitus suam plenarie voluntatem de predictis duabus pechiis terre et de predictis triginta et quatuor denariis redditus, tanquam de sua propria hereditate, salvo tamen jure dominico. Et sciendum est quod dictus Clemens et heredes sui tenentur reddere viginti et sex denarios turonensium redditus tribus particibus, scilicet Agneti, relicte Walteri le Boulenger, octo denarios turonensium, ad festum omnium Sanctorum, et Crispine, relicte Rogeri Le Woangart, octo denarios turonensium, similiter ad festum omnium Sanctorum, et heredibus Guillelmi Guerart decem denarios turonensium ad festum Sancti Michaelis. Preterea ego, jam dictus Garinus et heredes mei, tenemur dicto Clementi et heredibus suis predictam terram deliberare ab omnibus aliis redditibus, versus omnes dominos liberam et immunem, pro istis XXVI denariis turonensium quos dictus C. et heredes sui reddere tenentur. Pro hac autem concessione et venditione dedit michi predictus Clemens viginti et quinque solidos turonensium, de quibus tenui me pro pagato. Ad cujus rei testimonium, ego predictus Garinus, presentem cartam fieri feci et sigilli mei munimine roboravi.

Actum anno Domini M° CC° quinquagesimo, die sabbati post octabas Purificationis Beate Marie Virginis.

Testibus hiis : Guillelmo Maquerel ; Arnulpho de Crasvilla ; Rogero de Crasvilla ; Reginaldo de Crasvilla ; Gileberto dicto Lupo ; Roberto Rabel, et pluribus aliis.